

**Orang Ramai Sudah Mula Nampak Kejayaan Program Transformasi Kerajaan
Bernama
24 Julai, 2012**

KUALA LUMPUR, 24 Julai (Bernama) -- Orang ramai berpendapat Perdana Menteri Datuk Seri Najib Tun Razak berjaya merealisasikan Program Transformasi kerajaan yang dilancarkan beliau dua tahun lepas dan hari ini, mereka tertanya-tanya jika Najib ada mempunyai produk 1Malaysia yang baru.

Tinjauan Bernama mendapati, orang ramai terutama golongan muda sudah mula memahami rancangan kerajaan yang dipimpin oleh Najib apabila satu persatu perubahan kerajaan dan pelancaran produk 1Malaysia dibuat untuk rakyat.

Pada Hari Terbuka Pelan Tindakan 2.0 Program Transformasi Negara di Pusat Konvensyen Kuala Lumpur Selasa, pengunjung yang mencecah hampir 5,000 orang diberi penerangan ringkas tetapi padat oleh Ketua Pegawai Eksekutif Unit Pengurusan Prestasi dan Pelaksanaan (Pemandu) Datuk Seri Idris Jala melalui paparan slaid raksaksa yang mudah dan efektif.

Mereka kemudian berpeluang melawat pameran-pameran berkaitan dengan tujuh Bidang Keberhasilan Utama Negara (NKRA) antaranya seperti Antirasuah, Menurunkan Jenayah dan Mempertingkatkan Pengangkutan Awam di Bandar.

Jika itu tidak mencukupi, pegawai Pemandu akan memberi taklimat ringkas dalam bilik-bilik khas yang disediakan dan orang ramai berpeluang untuk melontarkan idea serta bertanya soalan.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=682884>

